

Powšitkowne WOZJEWJENJA

njedźelu, 7. meje 2017

Duchowny oratorij „Serbske jutry

Jutrownu powěsć do swěta njesć je nadawk kóždeho křescana. Z duchownym oratorijom „Serbske jutry“ chcemy znowa radostne poselstwo wozjewjeć. W lěće 2013 spisanej twórbje su teksty zbóžneho Alojsa Andrickeho a bamža Benedikta XVI. zapřijate. Zdobom džakujemy so z oratorijom Bohu, zo je přez swojeho syna Jězu Chrysta wumóžerski skutk dokonjał a nam wěčne žiwjenje darił.

Pod wumělskim nawodom Friedemanna Böhmy hraje orchester Serbskeho ludoweho ansambla (SLA) z dalšimi hudźbnikami, spěwaja chóry Budyšin, Meja, Lilija, Delany a cyrkwinske chóry z Chróscic, Njebjelčic a Wotrowa kaž tež chór SLA. Solisća su Daniela Hazec, Tanja Donatec, Mikołaj Jan Walerych a Marek Rjelka. Jakub Hantuš jako řečnik w duchownym oratoriju tohorunja sobuskutkuje. Dwurěčny tekstowy zešiwk je spřihotowany.

Wutrobnje přeprošuju wšitkich na předstajenje oratorija „Serbske jutry“ tutu njedźelu, 7. meje, we 18 hodź. do Budyskeje tachantskeje cyrkwe. Zastup je darmotny, za wudawki prosy pak so wo pjenježny dar do korbika při durjach.

Mejski nyšpor TCM w Róžeńće

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěřili do zrowastanjeneho Chrystusa. Do paćerja chcemy tež wšu swětowu cyrkej zapřijeć, spominać na zjewjenja w Fatimje před 100 lěty a so wo měř na zemi modlić. W tutym zmysle přeprošuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 14. meje, w 17.00 hodź. na wosebity mejski nyšpor do hnadowneje cyrkwe w Róžeńće. Chór Budyskeho Serbskeho gymnazija pod nawodom Friedemanna Böhmy jón hudźbnje wobruhi.

Jurij Špitank, předsyda TCM

Nyšpor z požohnowanjom motorskich

Popoładno z požohnowanjom motorskich zahaji so njedźelu, 7. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Wodźenje a přednošk w Serbskim muzeju

Zjawne wodźenje po wosebitej wustajeńcy „Pječ lětstotkow. Serbja a reformacija“ budže srjedu, 10. meje, we 18 hodź. w Budyskim Serbskim muzeju. Tomu přizamknje so w 19 hodź. němskorěčny přednošk dr. Jensa Buliša k temje „Trotz Warichius und Wendenpapst. Die verblässenden Bilder des sorbischen Göda“. Wšitcy zajimcy su wutrobnje přeprošeni.

Wulět samostejacych

Samostejacy ze serbskich wosadow změja srjedu, 31. meje, swój lětuši zhromadny wulět z busom, kotryž powjedže do Kamjenicy a Rudnych hór. Zajimcy njech so hač do pónđzele, 22. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Zhromadny dzeń za 4. a 5. lětnik

Dekanatne dušepastyrstwo přeprašuje šulerki a šulerjow 4. a 5. lětnika sobotu, 20. meje, wot 9 do 15 hodź. do Don Boskoweho domu we Worklecach. Zajimcy njech so prašu hač do wutory, 16. meje, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

W lětnich prózdninach do Sakskeje Šwicy

Dekanatne dušepastyrstwo přeprašuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnjenych plakatach w serbskich wosadach kaž tež pod www.posol.de.

Kolesujo putnikować

K putniskemu tydženjej na kole přeprašuje Smochčanski Dom biskopa Bena wot 13. do 20. awgusta. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Zajimcy měli so w Smochćicach pod telefonowym čislom (03 59 35) 2 23 15 přizjewić.